

+H

corpus: ReF.MLU

language-area: nordbairisch

language-region: ostoberdeutsch

language-type: oberdeutsch

genre: P

medium: Handschrift

time: 15,1

reference: Hs.: Blatt (r/v), Kolumne (a/b), Zeile

corpus-sigle: F005, II-Aa-P2,H

text: Sendbrief von wahrer Andacht

text-author: Eberhard Mardach

text-type: EB: Erbauliche Texte

assignment_quality: Z2

hoffmann_wetter_nr: -

library: Augsburg, Universitätsbibliothek

library-shelfmark: Cod. III.1.2° 4

date: 1428

place: -

text-place: Nordbayern

printer: -

edition: nicht vorhanden

size: -

language: fnhd

literature: -

notes-transcription: - Lombarden im Text mit () markiert; - j-Schreibung: nicht ganz eindeutig wann gro\$z und wann klein; hier immer als Minuskel umgesetzt; -\$z: im Text noch deutlich als zwei Buchstaben; als \$z umgesetzt; - Superskripte über u und w nicht deutlich zu erkennen; an manchen Stellen könnte es durchaus überschriebenes e sein; da es nie wirklich deutlich ist, wurde diese Superskribierung mit * umgesetzt; - Die griechischen Kontraktionskürzen der Nomina Sacra für Jesus und Christus wurden als fremdsprachlich markiert und in adäquater lateinischer Umschrift umgesetzt (Ie/s etc. für Jesus und Chr/s etc. für Christus.); - ebenso wurde mit der Kontraktionskürze itm bzw. jtm für lat. iterum verfahren (it/m).

abbr_ddd: MarAn

extent: FnhdC: -; compl: 99va - 104ra (alles)

extent-size: FnhdC: -; compl: 3.766 WF

@H

F005-099va,19 Dicz Ist ein abgeschriff eines briffs den ein geýftlich^s beýchwater gefendet hat feinem geiftlichen kinde jn ein clofter vnd dýe materie jft von rechtem waren fíh=

F005-099va,20 ern andaht MEin liebes kind wilt du gern pald vnd fchir on grofz müe vnd arbeit ein rehter warer andehtiger gotlebender menfch vnd gotes frewnt werden fo folt du ftellen vnd arbeýtten nach rehtem warē fíchern vnd gewiffem andaht domit vnd mit dem du niht wetrogen mügeft werden wann du folt dicz wiffen merken vnd verften daz etlich mensché daz leyden Jhesu Chri offt vnd dik wedenken vnd wetrahten mit fulcher jnnikeit daz fie mit heýfzen zehern vberfluf=

F005-099va,21 zeklichen vbergofzen werken Auch gefchiht ez daz jr etlich jn fulcher wetrahtüg vnd andaht alzo verzukt werden daz fie die geftalt xpī vor jr augen an dem crëwcz gefpannen fehen vnd fie dünkt wie er mit jn rede ab dem crëwcz Ez gefchiht auch daz jr etlich die geftalt xpī fehen jn feiner maieftat fíezen alz einen keyfer vnd Mariam geftalt alz ein keyferin neben jm vnd die zwelff poten vnd die viervndzweinzig alten vnd vil ander heýligen vnd engel mit fochem clarem liecht zu mitternaht alz ob ez ein clarer licht^s tag feý vnd dicz fehen fie etwen mit offen wach=

F005-099va,22 enden augen fo gefchiht ez auch etlichen flaffent jn ein tron oder etwen jn einem züg jtem ez gefchiht auch daz etlich jn jrem andaht folch enpfintlich fufzikeit vnd folchen guten fmak vnd rauch haben vnd enpfinden jn jrem münd jn jren nafen vnd jn jrem leyb daz jn daz vnawzfprechenlich jft vnd daz gefchiht auch offt jr etlichen wenn fie daz façet enpfahen jtem ez gefchiht auch daz etlichen auch offt eines od^s zweýer engel geftalt erfcheint mit clarem liecht etwen wach=

F005-099va,23 ent vnd etwen flaffend od^s jn einem züg Auch etwen Ma=

F005-099va,24 rien geftalt etwen eines andⁿ heýligen jtem ez werden etlich offt alzo ein gezogen vō allen auffern fýnnen daz fie nichtcz fehen noch horen noch enpfindē wie mā jn tüt od^s waz vor jn gefchiht vnd alzo schreibt fand auguftin vō einem brifter der kond fíh felb vō natur alzo einzýhen alz offt er wolt jtem ez gefchiht auch daz etlich vnd

funderlich frawen die vō natur gewonlich mýner speýfz wedurffen den die man daz sie einen monad od^s zwen on leib=
 F005-099va,25 lich speýfz feind vnd also schreibet der grofz albertus daz er zū koln folch menschen hab ge=
 F005-099vb,01 fehen vnd jch hab ein folich junkfrawen gefehen die erst beý dreýen jaren tod jft Nū solt du wízen
 vnd merken daz díse vorgenanten dink alle daz jst folcher andaht vnd jnnikeit fufzikeit vnd offenwarūg zug vnd gefchiht
 eingezogenheit vnd der speýfze mangel vnd dezgeleich die fein gūt wenn daz jft daz díse dink vō got vnd vō gnad find
 vnd wenn man sie demutiklich vnd tankperlich enpfahen kan vnd nūczlich vnd fruchtperlich brauchen vnd weýlich vnd
 wehutfamlich wehalten kan so feind sie gut Aber díse dink feind dennoch niht ware zeichen der heýlikeit noch rehter
 warer andaht wann sie feind offt vnd dik vnſicher vnd gar vngewíse vnd gar wetrogenlich wann díser ding feind etliche offt
 vō dem bofen geift vnd jr etlich offt vō jn beýden vnd also geschicht ez so eins went ez fehe xp̄n vnd mariam vnd engel
 vnd heý=
 F005-099vb,02 ligen so feind ez bofz geift vnd also werden noch hewt zu tag vil menschen damit vnd da
 F005-099vb,03 durch wetrogen vnd verweýft vnd funderlich die keczer vnd die peghart vnd pegin vnd dorumb jft
 fōche andaht gar vnſicher vnd auch vngewísz wann waz vō der natur oder vō dem bofen geift od^s vō jn beýden Ist vnd
 gefein mag doran jft sich niht zu lafen vnd jm jft auch niht zu getrawen so ist auch dovon niht zu halten nach der warheit
 Nū solt du wíssen vnd wíszlichen merken vnd mit niht vergessen daz fulch menschen allermeýft jn dísen dingen wetrogen
 werden vnd mit ful=
 F005-099vb,04 chem andaht verweýft vnd ver=
 F005-099vb,05 furt die da eýgens willen vnd eýgens ſýnnes zu vil haben vnd auch díz die der warheit vnd guter
 gefunder lere niht glauben noch volgen wollen funderlichen jren obern oder den eltern vnd auch díz die do noch mit
 vntugenden ia nēwer mit ein^s merklichen vntugent wehangen vnd wegriffen vnd eingewikelt jst oder find vō jnnen vnd
 vō auffen vnd wefund^s mit geiftlich^s hoffart od^s mit eýgen wolgefallen jr selbs Sich folcher menschen andaht vnd jnnikeit
 vnd weýnnen vnd zehet vergiffen jst alleweg argwenig vnſicher vnd vnge=
 F005-099vb,06 wísz falfchz vnd gestift all dieweýl eins jn fulchen ge=
 F005-099vb,07 breften od^s vntugenden lebt vnd stet alz davor wefcheýden jft vnd auch alle die weýl fein hercz vnd
 gewíssen noch niht genczlichen fleht vnd lauter jft vnd ob halt ein fulch^s menſch tag vnd naht an vnderlofz an der venicleg
 jn einem winkel od^s jn ein^s clausen od^s jn einē wald od^s jn einem clofter jn fein^s zelle od^s vor dem crucifixe od^s vor einē
 altar jn der kirichen auff feinē herczen vnd ob er verreret od^s vergufz so vil heýf=
 F005-099vb,08 fer zehet alz vil tropfen wassers vō dem hýmel geregen mugē dennoch jst feiner andaht niht zu
 getrawen noch dovon zu halten noch der warheit welch^s menſch aber sich ſelber aufz gotlich^s mýnne vnd lieb mit einē
 reýnen lauttern herczen vnd mit ein^s guten gewíssen vnd mit einem waren veften vngeſtiffen glauben jn allen dingen lat
 vnd sich got genglich gibt vnd wevilht jn lieb vnd jn leyd vnd mit flehten wortē jn allem leyden vnd wider=
 F005-099vb,09 wertikeit vnd wetrubnúfz vnd dem gotlichen willen de=
 F005-099vb,10 mutiklich mit willig^s gedult vnd gelafzenheit dankperlich gehorſam jft sich díz jft reht^s vnd warer
 ficher vnd gewísz andaht vnd jft auch ye vnd ye gut vnd gerecht vnd vō got all
 F005-099vb,11 zeit vnd niht vō der natur noch vō dem bofen geift vnd jft auch ein ficher gewísz zeichē rehter warer
 heýlikeit vnd rehcz andehtes vnd daran mag mā sich ſicherleich wol gelafzen vnd dovō halten jn der warheit vnd dorvmb
 mein libes kind wil du ye ein rehter warer andehtig^s menſch werden vnd ein warer gemýnter gotes frēwde so laz vnd leyde
 dich gib vnd wevilh dich got jn der weýfz vnd mafz alz davor wefcheý=
 F005-099vb,12 den jft vnd zu dísem andaht gehort niht eýgentlich arbeit dez leybes od^s daz mā jn einē wikel fliff
 oder daz man sich verſperren lafz jn ein clausen noch jn ein clofter od^s daz mā fliech jn ein wald od^s daz mā vil vaft mit
 waf=
 F005-099vb,13 fer vnd mit brot all tag oder daz man vil pett zehen pfalter vnd zehen vigilg oder zehentau=
 F005-099vb,14 ſent pater noſter oder daz mā ander grofz leiblich arbeit vnd vbung tw mit ſich ſelb geýfeln vnd ein
 ciciliū od^s ein panczir an trage vnd barfuſz gen vnd auff der erd ligen vnd des ge
 F005-099vb,15 leich Sunder ez gehort zu dísem vorgenanten waren ſichern an=
 F005-099vb,16 daht arbeit der vernúft vnde dez herczen wann díz jft vnd stet allein vnd ligt allein an dem freýen
 willen vnd also vñ dorvmb mahftu dísen andaht vnd jnnikeit mit gotes hilff wol wehaben vnd geleyftē vnd dorzu kumen
 all zeit wenn du wilt vnd alz offt vnd dik du wilt wenn daz jft daz du daz dein darzu dúft alz vil alz ez an dir jft wann doch
 got ye vnd ye daz fein tut jn den dingen vñ dorvmb ob díz dink gebrift vnd erwindet so ge=
 F005-099vb,17 briff ez an dir vnd niht an got wann got der jft vnd wirt ye vnſchuldig an allen verlōre menschen
 jft aber daz dich díz dink mulich vnd fwer dunket vnd do ſeýft niht ge=
 F005-099vb,18 ſchikt daz du dich also lafen vnd leyden künneſt vnd mugeſt alz vor wefcheýden jft so thw auff die
 jnnern augen der vernúft vnd da ſich vnd merk vnd verſtee eýgenlich nach der warheit der wewerten geſch=
 F005-099vb,19 rifft die doch ye vnd mit niht liegen noch wetrigē mag da ſiech wie vnd waz vnd wie
 F005-099vb,20 vil ein grober vngeſchikter ley ſchuldig ſeý zu thūn jn dem aller
 F005-099vb,21 grofzten vnreht vnd ſchaden der jm geſchehen vnd widervaren mag jn díser zeit vnd daz jft díz
 wenn daz jft vnd gefchiht das einem alles fein zeitliches gūt vnd alle fein ere vnd darzu fein leben vnſchuldiklich genūmē
 wirt daz doch manigem gefchiht daz ſiche vnd merke eben waz ein folcher vō not criftens ge=

- F005-099vb,22 lauben vmb fein ewik feli
 F005-099vb,23 keit thûn full vnd müß das
 F005-099vb,24 felb vnd niht mýnner müßt du auch thûn niht allein jn grofzem vnreht vnd fchaden der dir ge=
 F005-099vb,25 fchiht ja auch jn einem kleinē ýczlichen ding daz dir vō allen creaturen wideruert Nû merk vnd merk auch eben ein grober vngefchikter ley der an einem offen geriht jczunt vervrteilt jft zu dem tod vnſchuldiklich alz doch etwen gefchiht Nû derfelb jft jczunt voran weraubt alles feines gutes vnd aller fein^s eren vnd darzu wil mā jm jczunt zû ftund fein leben auch nehmen òn ſchuld Nû merk wil er denn jn difem allergrofzten vnreht vnd fchaden der jczunt alzo ge=
 F005-099vb,26 fchiht wol vnd ficher ſterben alzo daz er niht verloren werd ſich ſo müß er ye vnd ye folch gedult vnd gelaffenheit haben jn den dingen daz er allen zorn vō auffen vnd all zornmutikeit von jnnen vñ all veýndſchafft neýd vnd hafz mürmeln vnd gremfikeit vnd darzu werk vñ willen aller rach genczlich auß dē herzen laſzen müß vñ darzu müß er auch dem haſer der jn jczunt toten wil dem er doch nýe leyð hat getan vnd auch allen den die an ſeinem tode ſchuldig fein den müß er von herzen ganz vergeben ob ſie jn halt nýmer dorvmb bitten Mein kind haſt du nû ein gut wolgefchikt vernüfft vnd gelaubſt du der lauttern fichern warheit ſo merk bey difem exempel wie vnd waz vnd wie vil du nach deinem ftate thûn fulleſt vñ müſſeſt jn allem dem daz dich an get ez feý kleýn oder grofz wýe wa vnd von wem dir daz gefchiht vnd widervert jn all weýßz wefunder wann du doch beßer ſcheýneſt vnd auch noch gar gern vil beßer wereſt denn ein ſulcher grober ley dem ein ſulch grofz vnreht vnd ſchad ge
 F005-099vb,27 fchiht dorvmb folt du auch pil=
 F005-099vb,28 lich deſter mer gelafzen vnd vil mer deſter geduldig^s alle zeit fein denn ein ſolch^s grober ley wefunder wann du auch vil baß gefchikt piſt vnd ez baz weýßt vnd verſteeſt denn ein ſolcher ley vnd auch wefunder vnd aller
 F005-099vb,29 meýßt dorvmb vnd vmb daz wann du jn dem ftate der vol=
 F005-099vb,30 kûmenheit biſt wie wol daz jft daz du noch zumal vnvol=
 F005-099vb,31 kumen biſt vnd daz dir noch gar vil gebrift an der volkumenheit ſo jft doch der orden alz all ander wewert orden ein ftate der volkumenheit vnd dorvmb biſt du dez vil mer ſchuldig denn ein jczlicher wer=
 F005-099vb,32 ntlich^s ley dorzu folt du auch ſo vil mer gelafzen vnd gedultig fein alz vil daz vnreht oder der ſchad od^s der widerdrefz der dir gefchiht mer kleýn vnd vnaht=
 F005-099vb,33 per jft wann feint ein malen man den allergrofzten alzo ge=
 F005-099vb,34 laſzenlich vñ alz gedultiklich leyden müß ſo fol vñ müß mā daz allerkleýnſt vnd mýneſt vil vñ vil pillich leyden we=
 F005-099vb,35 funder wann auch ein kleins vil leichter jft zu leyden denn ein groſſes dorzu folt du wiſſen vnd merken welch^s menſch vmb ein kleýn dink zornit od^s vngeultig jft derfelb jft jn fein aht vil boſzer vnd ſtrafflich^s zu ſchaczen denn ein ander dorvmb ein grofz dink zornig vnd vngeultig jft vnd dicz folt du niht vergeſſen vnd dorvmb mein kind ſecz dir dicz exempel vō einem ſochem groben leyden den man alzo òn ſchuld ertottet fur daz aug der vernüfft vnd ſihe dorein alz jn einen cloren ſpiegel zu aller zeit vnd alz oft dir dicz geſchech vnd widervar daz du od^s dein ſchalk der natur niht gern hab vñ daz wid^s dich feý von wem od^s vō wanne daz kum od^s wýe od^s jn welch^s weýße daz geſchech ez feý klein od^s grofz ſo ſprich wid^s dich ſelber wehen=
 F005-099vb,36 diklich od^s gedenk alzo ſich an wilt du difz niht leyden wenn wolteſt du denn einen ſchentlichen tod vnuerſchuld leyden ſich wo biſt du doran wie jft dir newr od^s waz biſt du doch od^s wie blind biſt du newr O wo jft dein gelaub vnd dein hoffnüg wo jft gotlich lieb jn dir von wel=
 F005-099vb,37 cher doch geſchriben ſtet alzo gotlich lýeb leydet gedultiklich all widerwerdikeit vnd ſie wirt niht erzornit wie vnreht jr ýmmer gefchiht ſich wo ſlaft dein lieb O wez troſt du dich ach waz dunkeſt du dich newr fein od^s waz weneſt du daz du ſeyſt O wo jft nû dein andaht vnd dein ernſt oder dein heýlikeit ach wez nýmeſt dich newr an wilt du ein klein dink niht leyden ach du rehte gleýfznerin vnd we=
 F005-099vb,38 trig^sin wie effeſt du dich doch ſelb^s ſo jemerlich vnd wetrwęgeſt dich ſelb ſo boſzlich O du boſe vnſelige hawt wie gar ſnad vnd wie gar durfftig biſt du doch jnden augen gotes vnd aller engel vnd heýligen wilt du ein wort niht leyden od^s einē kleinen widerdrifz vō deinē nehſten der dich ſtrafft dein^s meýſterſchafft ſo man dir auch reht tût vnd ſo du ſchuldig biſt vnd ein grober ley der müß doch einen ſchentlichen tod vnuerſchuld leyden ach wa jft nû dein geiftlich=
 F005-099vb,39 keit o du armer durfftig^s tropff wo gedenkeſt du newr hin aber wez vberhebeſt du dich newr ach wie gar vnreht jft dir waz biſt du newr ja ein ſnoder fak vol kocz nach dem leyb vñ ein arme fel vol vntugent vñ du tregſt doch ein ſcheffein kleýd ob dem ſchalk der jn dir ver
 F005-099vb,40 borgen ligt vñ alzo mit fulchen Worten oder gedenken dez ge=
 F005-100ra,01 leichen folt du dich ſelber alleweg jn dein^s gewiſſen zwifchen dir vñ got demutigē vnd vernihten verwerffen vnd verdruken vnd mit einem ſolchen vndergang vnd we=
 F005-100ra,02 kennen der warheit wefunder wann ez auch ye vnd ye die lautter clar offenwar warheit jft folt du dich alzo wehelffen vnd dich alzo nidern vnd drukē vnder got mit einē rechten waren wekennē dein^s ſnodikeit vnd durftikeit vnd dems niht jft denn daz du difz warlich alzo verſteeſt vnd wekenneſt auß ein^s gutē wolgefchikten ver=

- F005-100ra,03 nufft vnd aufz einem waren vn gestifften gelauben so vindest du jn der warheit daz du dich von not pillich leyden vnd laszen folt vñ müst jn allen dingen nihz aufz genumen vber=
- F005-100ra,04 all vnd dorvmb folt du dich got genczlichen geben vnd weuelhen jn lyeß vnd jn leyd jn allem dem daz dich anget leyblich vnd geist=
- F005-100ra,05 lich vō got vnd vō allen crea=
- F005-100ra,06 turen tuft du daz sich daz jft dir nūcz vnd besser vnd fudert dich vil mer zu einem guten seligen heyligen leben denn ob du hettest aller der meyst^s kunft vnd weylheit die jn der ganczen werlt find vnd denn ob du auch darzu bettest alle tag ob ez dir mūglich wer hūn=
- F005-100ra,07 dert falter vnd zehentaufent pater noster vnd so vil vigil vnd denn ob du so vil goldes durch got gebst ob du ez hettest alz ein groffer berg jft vnd dorvmb ob du difz tūst alz davor wefcheiden jft so wirft du ye schir vnd pald ein solch^s gotlebend^s mensch vō dem der heylig geyst durch den weylfen salomon alzo spriht nihts we=
- F005-100ra,08 trubt den gerechten waz jm auch geschicht Auch zu dem vorgeantanten exempel vō einē groben leyen den man on schuld ertottet funderlich dez dings dez mā jn zeiht scholt du auch difz wifzen vñ vernūftklichē merken vnd nymmermer ver=
- F005-100ra,09 gefzen hettest du all dein tag niht mer denn newr allein ein einige todfunde getan so solten dich alle creatur dorvmb vnd vmb daz daz du jrem schop=
- F005-100ra,10 pfer erzornet haft dorvmb solten sie dich pillich v^swerffen vermehren vnd durch ehten vncz jn den tod vnd dorvmb ob dich ein wild tyr frez od^s ob du jn ein fewr od^s jn ein wasser vieleft vnd alzo verdurbest od^s ob man dich eines mordes zig vnd dich dorvmb mit einem gereht er=
- F005-100ra,11 totet vnd ob du auch dezfelben mordes vnschuldig wereft dennoch gefcheh dir niht vnrecht dein halb wann mit der einigen todfunde haft du vil mer verschult gegen got denn einen solchen tod Nū daz difz war fey vnd daz du ez versteen mugeft so wifze daz jn libro regum ge=
- F005-100ra,12 schriben stet alzo daz got difz ein mal verhenget vber einē heyligen propheten daz ein ein leo ertottet newr allein vmb ein teglich fund der vngehorsam die er verfeumilich newr mit vngewarheit nit vermehlich noch freulich hett getan jtm mā lifzt auch jn vitas patrū daz got einē heyligen altvat^s vmb ein klein vnweylzheit od^s fund da er doch wond er tet ein gūt werk vñ wann er daz on redlich fach vnwefchey=
- F005-100ra,13 denlich tet dorvmb liefz jn got vallen jn ein grofze fwere krankheit dez leibs die er vier jar vncz an fein ende ha=
- F005-100ra,14 ben müzt beý difen dingen merk aber vnd ab^s mit gut^s wetrah=
- F005-100ra,15 tūg vnd mit ganzem fleylz haft du ein gut klar wolge=
- F005-100ra,16 schikte vernūft vnd einē warē vngeftifften gelauben so merk vnd verftee wie gar gelafzenlich vnd wie gedultklich wie gar weyllich vnd vernūftklichen du dich halten fülleft vnd müsseft jn allen den dingen die dich an gen von got vnd vō allen creaturen jn alle weylze wefunder wann got so streng vnd so gereht jft daz er heylig lewt vnd fein wefunder gut frewnt vmb klein fund alzo fwerlich plaget mit dem tod vnd mit krankheit alz jczunt davor jft gefagt darnach folt du merken vnd versteen vnd wol wehaben vnd nymmer^s vergeffen dreý merklich vnd treffenlich puncten vnd stuk an den vnd doran die ganz materie diser lere miteinand^s jn kurczen flehten Worten genczlich jft wegriffen daz erst stuk jft daz nyemant an feinē jnnern menschen daz jft an fein^s fel verfert noch v^schedigt werden mag denn new^s allein vō jm felb wann kein creatur mag jn zu kein^s fund wider feinen freyen willen mit niht notton noch wezwingen vber=
- F005-100ra,17 all vnd dorvmb alle die ent=
- F005-100ra,18 schuldigung die jemant wider fein fund jn aller weylze ýmer vinden vnd erdenken kan das hilfft jn je doch niht Daz ander stuk jft dicz allez daz daz einem jczlichen vō got vnd vō allen cre=
- F005-100ra,19 aturen wideruert vnd geschicht jn alle weylze daz jft jm got willig vnd dazfelb jft auch fein halb die ere vnd der will go=
- F005-100ra,20 tes wann got fucht vnd meint niht anders damit vnd dor=
- F005-100ra,21 jnne denn fein felbs ere vnd dez menschen nūz vnd felikeit vnd dorvmb alz sand paulus spricht den liebhabern gotes kunnen vnd mit wurken alle ding zu got wann sie gelaubē vnd halten vnd wissen difz jn der warheit daz jn got alle ding zu gut tūt vnd daz ez allez vō got jft vnd auch die ere go=
- F005-100ra,22 tes wie vbel ez jn get vnd wie hert ez jn ýmmer ligt jn allen sachen vncz jn den tod vnd dor=
- F005-100ra,23 vmb werden sie niht wetruht Daz dritt jft dicz daz alle dink wie nūcz vnd wie nottorftig sie ýmmer gefehen werden dennoch fol man sie laszen vnd v^smehren allein dorvmb vnd vmb daz daz zorn vnd we=
- F005-100ra,24 trubnūz gelafzen vnd vermeiden werden vnd allez daz daz wider=
- F005-100ra,25 wertig wirt gefchen daz fol man leyden vnd enpfahen dor=
- F005-100ra,26 vmb daz die frewntschafft got=
- F005-100ra,27 lich^s lieb vnd dez frides vnzer=
- F005-100ra,28 stort vnd wehaben vñ wehaltē vnd dicz jft die sache wann ez jft nihtcz schedlich^s noch wofer denn zorn vnd wetrubnūz vnd auch alzo do wider jft auch nihcz nūcz vnd besser denn gotlich vnd bru=
- F005-100ra,29 derliche mýnne vnd lieb vnd der frid dicz dritt jcz genant stuk fol man verften von den dingen die man von bott od^s vō gelubd od^s von gehorsam niht stuldig jft zu tūn oder von ehaftig^s nott niht tūn müz wann dieselben

ding fol man niht laszen durch frides willen jtm daz vorenāt dritte stuk fullen vnd muſzen auch die obern niht alleweg halten wann wenn sie jr vn=

F005-100ra,30 teten mit frid vnd mit lieb niht gestraffen mügen so fullē vnd muſzen sie dovon not we=

F005-100ra,31 trubten vnd erzornen mit der straff vnd mit der buſz vnd dez find sie schuldig vō jres amptz wegen Aber jn den dingen ful=

F005-100ra,32 len die obern jn jn selb von jnnen niht zornig fein noch werden wiewol daz jft daz sie vō auffen herte wort vñ werk mit der straff erzeýgen vnd weweyſen müſzen vnd auch fullē welcher menſch nū ein wol=

F005-100ra,33 geſchikt vernūft vnd erkennē der warheit vnd einen rechten waren vngeſtiffen gelauben hatt derſelb merkt vnd verſtet nū wol clerlich merklich vnd vnwetrogenlich wie er ſich jn lieb vnd jn leyð vnd jn allen den dingen die jm widervaren vnd geſchehen leiblich vnd geiſt=

F005-100ra,34 lich von jnnen vnd von auſzen vō got vnd vō allen creaturen wie er ſich da halten fulle vñ müſz ob daz jft daz er ein rechter warer andehtiger gotlebender gerechter meſch vnd ein warer gotesfrewnt werden wil jn der warheit vnd dorvmb mein liebes kind leb vnd halt dich nach diſer lere vnd weſunder nach den vorenanten dreýen leczſten ſtucken tapferlich redelich vnd verwegenlich vncz jn daz ende on ablaſzen ſo wirſt du ye ein ſolcher gut^s gereht^s menſchz als dovor weſcheýden jft on allen zweýfel ob daz jft daz du dicz alzo tuſt vnd dabey weleybēſt vnd weharreſt vncz jn den tod wann weharrum jft ein ſolch tugent durch ein jczlich güt werk vnd ein jczlich tugent wirt gekronet wann an jr ligt vnd weſtet aller menſchen heyl vnd ſelygkeyt alz die ewig warheit vnd weýſzheit jeus Chrs ſelb ſpriht jm ewangelio welcher weharret vncz jn daz ende derſelb wirt wehalten wanne on weharrüg wirt kein werk gut noch tugent wegabt vnd alle volkumen=

F005-100ra,35 heit wirt gar zu niht on we=

F005-100ra,36 harrüg vnd dorvmb vnd alzo daz jch diſer rede vnd lere ein ende gebe mein libs kind jn Chro dem herren vahe jczunt zu ſtund an vnuerzogenlich ob du ez vor niht getan habſt alz jch furht vnd lern dich ſelb vnd dein eygen niht vnd durftikeit armüt bloſzheit vnd blintheit genuclich vnd jnnerlich wekennen nach der warheit wer vnd waz du ey=

F005-100ra,37 genlich ſeyft vnd kuneſt vñ vermügeſt vnd aufz demſelbē wekennen vindeſt du clerlich vnd merklich jn der warheit daz du dich von not pillich laſzen vnd leyden folt jn allen dingen vnd dich ſelb got gencz=

F005-100ra,38 lich geben vnd weuelhen jn lieb vnd jn leyð vncz jn den tod vnd dicz jft die allerhohſt nūft künſt ob aller meýſter kunſt diſer ganczen werlt vnd jft auch der aller ſicherſt beſt nūczft vnd gewiſzt an=

F005-100ra,39 daht den jemant jn diſer zeit gehalten mag vnd wenn du denn diſe kunſt gelerneſt vnd diſen andaht wegreiffeſt ſo folt du den dobey weleybē vnd weharren biſz jn das ende Nu folt mit niht ver

F005-100ra,40 geſzen daz du zu diſen dingen wol kumen mahſt mit der hilff gots allzeit wenn vñ alz oft du ſelb wild alz jn diſer vor merklich jft weſcheý=